

桂杏齋芳譜  
亨



日新氏藏





風陵文庫

文庫19

F 134

2



桂杏聯芳譜第二卷

廣豐徐 謙白舫輯案

懷同弟 恒養泉校

罪律

一將人錢買要浴焚字紙。取用作踐者。一。百。罪。歿。折。子。孫。貧。賤。

案一則

舖友賣賬簿為還魂紙子俱歿絕之報

禾城典舖二夥合賣積年賬簿為還魂紙計值百二十千未幾兩人之子俱歿遂斬嗣 彭疑社雜說

F0134-(2)

一騙人買字紙錢不買字紙焚者百罪定惡病夭折案一則

嘉慶十二年七月報恩寺老僧回生述冥判代

人收字賣作還魂紙人財兩空之報

嘉慶己卯春三月倪孝廉延壽僑寓金陵報恩寺有老僧談冥間果報事甚詳其談閻羅審訊不惜字紙輕棄飯粒兩案尤奇據云嘉慶十二年七月在四川重慶府時病甚恍至一處殿宇崇深見故友曹福在焉曹見其來訝且喜捧手曰我職司判官知師壽未

終明日當送師歸今日吾王審案曷隨吾往觀乎須臾聞傳呼而來見王已升殿殿前衣青衣者帶領九人跪階下王向左曰汝二人竟將字紙作還魂紙有時賣與箔舖爲紙花婦女不知往往一時乘便揩抹污穢罪莫大焉利息雖好終受惡報人財兩空何一愚至此今汝知悔乎答曰知悔王曰果知悔姑放汝還陽可將錢鈔別謀生業倘更敢留心敬惜字紙許贖汝前愆且使汝富若仍執迷不悟必遣火部神將焚爾居蕩爾產世世子孫爲瞽語畢又向右曰汝二

不惜字罪律

人爲人收字紙。何得貪利賣與奸人作還魂紙。明知故犯。誠何居心。本應剗汝心。姑念初犯。且放汝回去。自後不將字紙竊賣。又知敬惜。必獲好報。至後五人。係平日糾會惜字紙者。王霽色向語曰。公等皆好善君子。知敬惜字紙。却不知收字紙者。賣與賤丈夫作還魂紙。亦係失察。今概從寬宥。令公等還陽。可徧告戚好。將字紙自己焚化。不令作還魂紙。積久灰多。收貯潔淨器皿中。送諸流水。或埋淨土。勿致踐蹋。壽爾父母。顯爾功名。昌爾子孫。種種善報。絲毫不爽。毋疑。

母○忘○九○人○退○出○余○悚○然○懼○慨○然○嘆○曰○世○間○或○用○字○紙○糊○窗○褶○簿○或○用○字○紙○裹○糞○包○烟○或○用○字○紙○剪○襯○鞵○底○或○用○字○紙○撚○成○燭○心○或○密○戶○細○書○礎○上○或○於○碗○罈○磚○貨○鞵○襪○木○套○上○刻○字○號○或○濫○刷○招○帖○於○便○溺○處○或○婦○人○用○字○本○夾○鞵○樣○或○用○神○前○有○字○帳○幔○爲○衣○種○種○未○能○敬○惜○較○之○作○還○魂○紙○者○相○去○幾○何○正○躊○躇○間○忽○紅○光○一○道○從○西○北○方○來○見○衣○彩○衣○者○二○人○幢○幡○引○一○老○者○至○王○拱○立○以○待○老○者○上○殿○余○細○視○卽○左○隣○孫○某○向○有○善○人○之○目○王○曰○公○一○生○無○他○善○惟○敬○惜○飯○粒○歷○久

不惜字罪律

不怠常吩咐女眷不時至廚下察看見所有剩飯即  
使人給與掃街或乞丐或喂犬餵貓或置屋上餵雀  
不令廚下任手拋棄溝眼為糞土所污上天感動賜  
公子孫良田千頃公廚下惟何某一日將公之幼女  
一口剩飯拋在陰溝公知之乎對曰未也王曰此人  
已發在乞丐道中矣顧青衣者命之來未幾見蓬頭  
跣足垢面敝衣者一人來向老者求援手老者惻然  
為緩頰王曰此人罪關輕棄五穀難從未減即公亦  
因此人輕棄一口剩飯冥中減公三日口祿陰律甚

嚴予不敢私老者逡巡而退王亦倏忽不見回視故  
友曹福仍在殿前曹曰頃兩案師見之乎作善者如  
彼作孽者如此師歸後能廣為傳播不但已疾延年  
他日必當果證菩提余方欲再叩忽猿啼聲劇瞿然  
而寤病亦尋愈倪孝廉為余詳述如此余因其有濟  
於世特刻顛末以共勸戒云爾擇善主人都門刊播

附錄

草紙起於安嶽以字紙為骨人誤用出恭褻瀆極  
矣讀浣花使者書云安省不中鼎甲百餘年嘗請

僂叩其故。僂判甚切。故安省另用草料表心紙。其兩頭印記。必用刀切去充用。使者初不信。亦請僂判。亦如此。復親到紙槽問實。皆言只表心火紙。兩項不用字紙。爲骨願共留意。新建教諭汪肇崙刊余鄉江右。明季得鼎元十七人。海內稱盛。國朝江蘇自呂宮至吳信中四十人。內三元一人。錢棨何如此之盛耶。緣下江雖村氓童婦。皆知敬惜字紙。郡邑村莊。各立文昌祠。及惜字會。僱夫搜覓。洗淨焚化。送之江海。鼎甲之盛。要皆惜字之報。京師

近日裱糊匠。用字紙裱頂格。作繩紮隔間。鞋店做紙底。各戲園戲票。訂坐小紅簽。戲散看坐人。用簞一掃。徧地字紙。直隸河南山東陝西各旅店。多用字紙糊窗。各省衙署。多有舊官封糊窗。山東更盛。數百年來。北省鼎甲寥寥。余深勉士大夫。開導爲父兄師傅者。諄諭蒙童。敬惜字紙。下江大發甲第。此驗不爽也。余鄉在國朝僅一鼎元。尚係由安徽遷來者。其故總緣。近來所售拭穢礬紙。皆係糧船至各省收買字紙。至吾鄉改造。此紙出售。專

代。厠。籌。之。用。造。孽。最。大。北。五。省。作。踐。字。紙。多。出。無。心。此。則。有。意。謀。利。受。報。恐。尚。不。止。不。得。鼎。元。已。也。余。鄉。素。篤。文。學。尚。氣。節。此。事。特。忽。畧。未。之。知。耳。聞。從。前。巡。漕。有。飭。禁。者。亦。復。有。名。無。實。近。年。並。有。開。行。蘇。州。收。買。字。紙。者。此。風。更。熾。矣。愚。意。官。為。禁。止。不。過。陽。奉。陰。違。惟。願。吾。鄉。先。達。諸。君。子。倡。率。同。志。設。法。搜。查。杜。絕。庶。不。愧。西。江。文。獻。也。花間笑語

一。己。身。不。敬。字。紙。經。書。又。不。訓。教。子。弟。遞。相。輕。侮。者。百。罪。惡。滄。徧。體。再。生。癡。聾。瘖。瘂。

案三則

楊百行坐經害癩之報

瀘州楊百行坐經文而舉家害癩。節錄本文

鮮于坤殘書滅亡之報

昌郡鮮于坤一作昆殘孟子而全家滅亡。同上

張森故縱弟子拋棄字紙半生坎坷之報

成化時張森博學能文授徒鄉里三旬後子盲妻病

屢困棘闈自念無過終日怨尤一日夢見文昌帝君

臨軒危坐側侍二童諭森曰某年月日汝某弟子將

不惜字罪律

字紙嚼碎塞孔某弟子將字紙含濕拋棄誤落廁內已將某罰斬嗣某罰減壽某罰癡聾瘖諸病汝為師長明知故縱毫無戒諭罪更難追儻再不悛禍即旋踵至矣森叩頭伏罪惶懼而醒由是細加檢點凡遇白紙墜地必手自拾起不敢慢褻如是數年子日明而妻病愈鄉會聯捷高第後數年又夢帝君諭曰汝功名固從悔過得來而冥冥中最嘉予者莫如某年某家回祿後人皆爭覓財物汝獨收拾燒殘書籍焚送長流又能於某家拾得異樣淫書幾部勿令人

見即行燬滅其功甚大報應故自不爽 勸誠類鈔

附錄

俞淨意遇竈神神責不誠生徒穢棄書文誓冊此事切中近人為師之病每見生徒齋中書籍文柬飄零狼籍與夫蠹殘鼠蝕漫不知惜而村塾為尤甚如所云裏物拭桌者不一而足以至灰堆廁中亦皆溷入平時不知早諭見之又不申飭皆師之罪也 王文山絳帳紀聞

彭凝祉師說曰世有通儒宿學淹蹇名場者只是



誤○人○子○弟○之○病○徒○事○舍○本○就○末○忘○却○立○身○行○己○工○  
夫○至○斲○喪○元○氣○窮○則○敗○檢○達○則○墜○宗○皆○師○之○失○教○  
所○致○甚○而○貶○駁○朱○子○毀○謗○善○書○其○罪○尤○重○自○前○明○  
至○國○朝○凡○妄○斥○朱○註○者○皆○不○得○合○終○奈○何○徒○羨○  
其○利○口○而○不○察○其○實○禍○乎○古○人○盤○孟○座○右○皆○有○銘○  
故○身○於○為○善○今○人○一○切○俱○廢○全○藉○幾○部○善○書○尚○知○  
畏○懼○乃○敢○肆○行○毀○謗○是○其○害○己○害○人○潦○倒○不○足○蔽○  
其○辜○矣○其○餘○作○淫○詞○造○口○孽○尤○犯○天○地○鬼○神○之○忌○  
昔○王○文○康○公○之○父○嘗○論○師○道○曰○天○地○君○親○師○五○者○

並○列○師○位○何○等○尊○重○人○一○師○事○我○則○終○身○成○敗○榮○  
辱○俱○我○任○之○若○不○盡○心○力○誤○人○子○弟○罪○與○庸○醫○殺○  
人○等○又○喜○講○孝○弟○善○事○誠○心○開○導○媿○媿○不○倦○後○生○  
文○康○公○人○謂○善○教○之○報○云○熙○寧○間○宋○登○長○子○綰○已○  
為○翰○林○學○士○侍○神○宗○御○前○及○唱○名○次○子○續○與○二○孫○  
皆○一○榜○進○士○上○顧○而○笑○王○恭○從○旁○贊○羨○曰○此○其○父○  
為○人○師○至○誠○訓○導○所○致○也○人○誠○得○二○公○之○道○教○以○  
養○身○則○弟○子○多○壽○矣○教○以○立○德○則○弟○子○多○賢○矣○教○  
以○熟○經○史○則○弟○子○多○貴○矣○師○以○此○三○者○施○人○之○子○

不惜字罪律  
弟天亦以此三者報於師之身及其子孫斷不誣也。孔子爲萬世師，故能子孫貴衍，累代不絕。吾輩欲積陰功而忘其祖乎？予教徒與教子無異，必勉人熟讀經史，以厚其根柢。否則似無楫而濟江河也。一切浮濫時文、纖巧詩賦，概不許入眼。嘗親寫感應陰騭、覺世勸孝敬字、過慾放生等文案，頭各置一本，題其籤曰：元宰必讀書。每晨令讀一遍。及朱子小學彙纂功過格二書，不厭詳說，以長其良心。而天之報我者，如是其篤焉。孰謂爲師不可造

大福哉。元宰必讀書

一遇字紙焚處踐踏撲滅及收用者八十罪定生腫毒案三則

唐某灑字灰立救覆舟之報

吳江唐某常縫布袋大小二出入繫腰間見道途及墻縫字紙必拾入袋中又曾入寺見字紙盈房詢僧欲售唐卽傾囊買歸焚灰數石每遇江船託帶一石置急流中後聞江中有風水將覆舟者祈禱莫應惟將字灰灑去立刻浪靜唐壽九十無疾而終子孫顯

貴陰騰文箋註

陰司錄朱生輕棄字紙灰減年之報

槎溪朱生寧約字士豐留意八法銳進未艾康熙乙丑二月病將革語其友曰吾壽當四十二以平日勤於學字隨意焚燒散棄其灰不甚珍惜陰司錄為過減去五年今年三十七命將終矣願諸君共銘此言母輕棄字紙灰也言訖而逝說餘

吳生旋書旋焚神罰殘廢律之報

有吳生者中歲病手痺百藥不效夜夢神訶曰爾平

日嗜學草書旋書旋焚棄灰踐踏罪與棄字無異當坐殘廢律吳悔過作惜字箴募僧遍拾遺字贖罪後乃得痊以吾所見如此夫世人知字而不惜字者比比矣而鬼神於冥漠中隨其過之輕重而降之禍彼受禍者且怨天尤命渺不知其得禍之由此有心惜字者不能不痛哭言之也乾隆五十四年十月望日

西昌海帆居士謹識梅嶼山房筆記

附錄鐵爐燒紙免火之報

山東進士李恂令浙江一夕請呂祖降鸞問明日

何事書曰。日光未出。滿天紅。震地災臨。百室空。莫怪南陽人。脫難陰功全在鐵爐中。次早東街大火。延燒百餘家。居中有許家。獨免。恂思東街震地也。南陽許姓也。傳問有何鐵爐能積陰功。許曰。每墳前燒紙。貯鐵爐內。不敢焚於地上。春秋恐昆蟲燒死。冬月恐蟄蟲炕死。行甫十年。不謂神見佑也。恂歎獎之。嗣後邑人燒紙。皆知用爐。不復有燃火在地者。一念愛物。感格上蒼。如此人。可忽於善小而。不為哉。  
勸誠類鈔

一家中破書廢字。將來換碗換糖作賤者。八十罪定生癡聾瘖啞。

案二則

清河生殘書換碗削盡祿壽之報

清河諸生某。失館無聊。將殘書舊文。盡行換碗。仲兄自外歸。見而叱曰。爾讀書人。不應如此。答曰。以無用易有用也。年餘患瘵。口痢垂危。家人祈禱。忽言曰。悔不聽兄言。褻瀆字紙。冥司將吾祿壽削盡矣。雖禱何益。言訖遂逝。乾隆庚子十月事。  
勸誠類鈔

某生以廢書賣改紙張禍及愛子之報

西省某生因家貧賣廢書與人改作紙張得錢三百餘文買米肉與妻孥飽餐卽晚俱患腹疾數日有愛子極慧忽病痢而殤陰隲文箋註

一家藏敬字書文或拭穢並糜爛者七十罪多惡事無救

案二則

筆帖式某文卷拭穢雷火焚身之報

徐文敬公曰予官翰林時本衙門筆帖式某素淳謹

一日予與同官皆見其人過堂下衣上隱躍有火光方訝之轉瞬雷震竟焚殛死其疑不應得此報或言某素不敬字紙臨廁每不檢擇竟用文卷廢紙拭穢始以此獲天誅云陰隲文新編

貯字簞潮紙生蟲家受慘罰之報

昔人曾見陰律云散棄字紙與拋散五穀之罪等吁可懼也余願世人父兄戒其子弟師長訓其童蒙家主董其眷屬務令見字卽拾聚歸一器其貯字器具必須安置乾爽之處朔望勤於焚化倘或掛簷端或

置濕地。日久潮液上蒸。風雨旁入。紙即結成灰塊。中生無數小蟲。棄之則遺數百萬字迹。焚之則損數百萬生命。予嘗目擊一庠友家。素殷實。無心蹈此。而其家旋膺慘報。此惜字者最當留意也。海帆居士撰

案二則

女尼還俗練旛為衣子生惡瘡之報

杭尼智道宋氏年少還俗適魏梁甫生一子家貧練旛衣之未週年子忽得病徧體壞爛狀若火瘡有細

白蟲出瘡間日凡數升晝夜號叫不絕恍聞神語云練旛為衣得此報尋死惜字良法

章鉞曰今人家布施旛布習俗久沿難以禁止惟有一法奉勸捨旛者書字於紙而厚藉之剪下此字粘貼旛上則日後買旛者只須將紙揭去依然淨布雖取他用其罪未甚也此亦不得已而救弊之術乎又僧人收字本是作福誰復疑之豈知近有奸僧借惜字為名多收殘書廢籍賣作紙筋有破碎者則為還魂紙花以圖微利夫紙筋之用不

過燭心蠶篋糊物包烟造孽已不淺若作箔鋪紙  
花婦孺褻穢孽深罪重可擢髮數哉有友聞此事  
因留心適偶過戚家見所裱紙花尚有一二字迹  
依稀可認始信果然世人果能隨遇隨焚灰送流  
水勿遭踐踏功德安有量也同上

神怒酒庫取幡字為服之報

平湖酒庫有四聖廟前後交承祀奉甚謹初到上兩  
幡既解印復兩幡酬神庇以為定例丙辰丁巳間姑  
蘇姚應瑞董糟邱取幡字染黑色雜用人無知者及

去任未數里其子忽曰我福汝坊場久矣安得擅取  
新舊幡字以為兒服姚懼禱謝于遂甦勸誠類鈔  
一以字紙包藥裏經書塾木魚器用者五十罪蒙蔽慧  
心

案二則

李某字紙裹物雷擊之報

海寧李某嘗用字紙裹物糊蠶篋散棄踐踏不顧一  
日忽迅雷擊死堂中揭瓦數椽雷斧劈柱上下焦黑  
柱上原黏一紙寫保蠶觀音經三官經三十卷依然

未燬夫許經紙條僅十餘字耳。雷神乃欽敬如此。守正篇

彭明楚用字作髻二子目瞽之報

彭明楚用字紙褶糊髻。二子目皆瞽。自嘆不應得此報。鄰人梁自得謂曰：此汝不敬字紙報也。遂授帝君惜字功罪律以勸之。彭延僧拾字焚送長流以償。作髻用字之罪。行未十年。二子目復明。家漸富。勸誠類鈔

一以字紙拭物拭几及揉搓棄地者四十罪。遭流離去。

智慧

案二則

趙學古以字紙擦抹竈神。上奏迭降災禍之報。趙學古蘇州吳縣人也。平生不敬字紙。常以揩抹物件。好談閻閻。編淫詞。雍正二年五月初十日。妻賈氏產難。五日不下。醫禱罔效。時學古左手背生一毒。潰痛悶絕。恍見一神叱之曰：爾棄字。喜淫書。且多口過。爾妻以文書夾針線。而又長舌竈神。每月彙奏天曹。上帝震怒。令爾妻產亡。爾以毒死。學古惶懼求解神。



不惜字罪律

曰爾夫婦當向竈前立願痛改前非力行善事虔持感應篇陰騭文印施萬卷廣收字紙焚化灰送汪洋庶幾可挽不然禱無益也言訖而甦學古卽遵神訓誓行翌日胎下子死母全不數日而手毒愈由是不敢褻字燒燬淫詞逢人切切勸戒云勸誡類鈔

童子書塾汚字干犯天條之報

湖廣孝感縣士人林嗣麒順治戊戌三月初二日誤攝冥府見殿門直扁云荊州等處生魂善惡都統司主者謂曰今日是本司判犯日期吾見衆生不信因

果褻侮聖言毀謗三寶者甚多茲留善士看我判斷善惡以便廣布命與煖心丸一粒可煖七日若凡人到此過七日卽轉解十王矣判稟惡犯十八起共九十六人嗣麒看審至十三牌惡犯四名首名韓某年十四主者云此人方乳臭有何惡孽判云此人年雖幼不孝父母以詈罵爲常習業館中污穢書紙至三萬七千五百餘字又以所食餘飯嘗置穢地不可計數主者云如此犯天條有餘矣着卽入火城永無輪迴十八牌審竟命鬼役送付本保領回林再生索

筆述之甚悉。金剛經因果實錄節抄

一見勸善書惜字文。不信不傳人者三十罪。窮年窘迫。生不孝子。

案五則

鍾朗改過惜字次科再領浙解之報

右門徐鑛。鍾朗同學友善。順治辛卯元夕。鑛姪某。夢至山頂文昌閣。閣中三帝君。東西者綠袍。中座則冕旒蟒玉。手執銀管。憑几點冊。旁立朱衣神。傳唱唱第。一名鍾朗。帝君色怒。取筆勾之。後唱十九名徐鑛。其

甚喜。更冀可有己名。聽畢伏地哀懇。帝君曰。汝前孽既重。今又少功。何生妄想。欲再陳請。則有一金甲神跪稟。帝怒喝曰。鍾朗有惡孽。應削其算。尚覬功名耶。神復稟云。事非其罪。帝君展籍稍霽。顏曰。且看將來。心行定奪。今科榜首舉一嬰兒。易之。某覺即述於鑛。鑛至秋果中十九名。榜首余恂。字孺子。舉嬰之兆始驗。某乃以夢告朗。朗悔恨自責。即向帝君像前叩頭作疏。願行善事。以蓋往愆。從此惜字放生。積功累行。次科甲午。仍解浙元。帝君所謂惡孽者。乃其婢懷妊。

不惜字罪律

為妻鞭責致投淵死。後朗夢婢索命。妻亦溺死。由是益加為善。登己亥科進士。勸誠類鈔

沈某夢攝文昌殿懸牌大書十六字。示不信敬

字之報

仁和舊馬頭沈姓者。精堪輿術。人亦謹厚。但少養宦家。不知敬惜字紙。康熙八年。年五旬矣。尚不知改。忽一夜夢追攝至公府。殿宇森嚴。榜曰文昌殿。由門階及堂。見堂上懸一牌。大書十六字。曰成人在字字。在成人。人不敬字。字不敬人。忽一人喝曰。知未遂。驚

覺。述夢勸人。自悔無及。未幾卒。無子。楊式傳果報見

聞錄

許灣匠竊印感應篇紙神譴暴死之報

江西南城縣貢生萬人文。好善。乾隆戊子。發願刊送感應篇。購紙募許灣某匠在寓刷印。匠竊紙匿他處。萬一日赴寓催工。匠見萬至。忽驚跪階下。自言竊紙若干計。少刷書若干部。致不能廣勸化。被神譴罪當死。移時果亡。萬氏諸子姪皆親見其事。同告語於子者。壁潛老人識。感應篇新編

不借字罪律

沈生硃筆妄塗壇經暴亡之報

泰州沈生讀書僧寺見六祖壇經妄舉硃筆塗抹回家暴亡示夢於父曰兒以塗抹壇經現在地獄身帶火枷苦楚難忍父為我到寺讀書處尋出壇經洗去塗痕庶可脫苦父悲痛不勝入寺搜訪果見原本急洗去舊痕併發心重刻一部流通為子懺罪勸誡類鈔

潘仰之妄抹玉歷現身慘死之報

儒生潘仰之素不信玉歷一日於首張那見死鬼帶

枷六字邊硃批是之至三字自第一殿起墨塗章句至五殿之四張用硃叉直至七殿將飲酒費用較過本身日常應用銀錢之數一句上硃筆大書可笑兩字又第二十三張內癡心順從四字之側墨寫婦女自已尋死與男子何涉又在轉劫所全張硃寫亂話兩大字孟婆神章句之中用墨畧點數行苦根難斷四字硃筆圈上又圈而復又作拖屍之鬼矣一句處圈上九圈以後章句非又即塗至是時彩霞徧地觀音菩薩下降處仰之黑夜忽出街撲地爪裂足如束

縛呼子捧出玉歷遞與邨鄰供奉嶽廟伊子已見家  
內火灼趕回燒死其妻旬氏睡夢驚醒裸體逃命往  
外仰之向眾鄰嘆曰世人切莫似我克薄多年幸見  
玉歷仍不敬信改過妄加批謗招此現報說訖火逼  
其身上血肉糜爛眾犬爭嚼骸骨無存妻隨乞丐者  
親族不肯認丐死又同舊僕遠往麻地後無聞矣玉  
歷鈔傳警世現報

一以字紙經書放船船底並馬上騎坐者二十罪生毒  
瘡受人欺侮

案一則

汪氏婦寢坐船底經書病死之報

汪繹敬誦皇經。孝妻遠出貯經卷於叢書中。放船船  
底而妻日夕寢坐其上。歲餘其妻病疴。觸鼻穿面而  
死。鎮航珠

一己自不敬重字紙。反又訕笑人者十五罪。多遭橫非  
案二則

呂諂褻字滅紀之報

相傳呂諂專褻字紙。一夕夢神厲聲責之曰。汝不敬

字紙陰籍減算二紀矣旋暴卒晨鐘錄

何思振不入惜字會四科藍榜之報

何思振文名藉藉其友兩次邀入惜字會辭曰我素敬字何以會為平日第偶見片紙隻字檢之未甚敬也後入鄉場四次俱以字違例藍榜貼出蹉跎四旬外悔曰得非兩次不入惜字會之冥罰歟遂買竹篋百餘凡書館科房舖戶街市各付篋貯字紙月終收焚如是三年入試完三場聯中經魁陰騭文像註一以字紙漂污水焚穢地者十五罪多目疾昏盲

案二則

楊慧兒誤溺字紙病天之報

楊慧兒九歲能文五經諸史過目成誦一夕在館索溺器不得偶將殘紙藉於牀前便之誤投字紙在內次早翻閱故書即茫然不省拈題構思胸中如有物橫亘下筆不復成一字矣竟至廢業旋病天丹桂籍

王天君責袁上珍焚字穢地之報

近年西泠袁上珍夢械見王天君責以焚燒穢字之罪以其惜字而不知敬字也章錄惜字良法

一以經書枕頭。及以錢與字放牀褥下者。十五罪窮苦受杖。

案三則

高天佐枕臥榜嚴經落第之報

州守高天佐。自言少同二友。赴南都鄉試。聞雞鳴山。守源禪師有道行。俱往謁。師曰。二公皆中。惟高子在。途用榜嚴經作枕。不能矣。予聞愕然。徐悟經在匣中。偶枕匣而臥耳。榜發果如言。後力加敬惜。乃復中。鎮航珠

禪堂枕蓮華經腦後生疽之報

明陳之棟。山西人。商販至京。寓一寺。忽腦後生疽。痛苦將危。藥弗效。恍惚夢中見金甲神曰。爾臥禪堂。不敬經王。大痛難受。悔罪消亡。醒問僧何謂經王。答曰。蓮華經。乃諸經王也。棟頓悟曰。我初來寺。無枕。信手取蓮華經枕之。腦疽之生。佛譴我也。因懺悔佛前。將所枕經。另裝錦套。頂供殿上。又印蓮華經百卷。供送各廟。服藥即愈。覺世寶訓註

楊立可枕經夢警之報

楊雪崖云。順治甲午秋。伯父立可。赴武林鄉試。寓僧舍。有客僧攜經一包。置几上。伯父因暑倦。取包枕首。而臥。纔合眼。夢佛無數。或合掌。或盤膝。或修眉。或袒臂。或執幡蓋。或持杵戟。其狀不一。遽驚寤。異之以語僧。僧曰。得非褻我三寶乎。檢包視之。始知是諸經也。伯父素不信佛。因皈依敬奉焉。果報見聞錄

一以字紙引火打亮者。十罪生疥癬。  
案二則

字紙燃燈父子焚死之報

東晉一人。常以字紙拭几硯。擦垢穢。舉家患瘡膿血。枕席經年。猶不知省。仍以燃燈夜照。糊窗裱物。父子俱瞽目。其妻一夕。以字紙燃燈。餘燼忘置牖間。夜半火起。房舍財物皆盡。父子俱焚死。陰騭文箋註

三官判諸生燬經疫死餓死之報

武功縣西一寺。有藏經閣。諸生六人。讀書其中。時嚴冬。四生取經燒炕。一生取經燒洗面水。一生心非之。而不敢言。則康對山也。一夕夢三官排衙。六生前跪。中坐者曰。爾等何敢取經燒炕。四生俯伏請罪。判曰。



不惜字罪律

皆○合○絕○嗣○又○訊○燒○洗○面○水○者○生○云○止○犯○一○次○判○曰○卽  
一○次○可○乎○永○無○前○程○矣○未○顧○康○曰○汝○何○不○止○之○應○曰  
心○知○不○可○不○敢○犯○長○者○耳○神○曰○今○姑○恕○汝○汝○得○志○後  
可○廣○諭○人○世○崇○敬○經○文○驚○醒○遂○書○其○事○後○五○生○應○歲  
試○皆○被○黜○六○月○大○疫○燒○炕○四○生○門○戶○俱○死○絕○洗○面○者  
以○訓○蒙○老○嘉○靖○七○年○亦○餓○死○未○幾○康○狀○元○及○第○此○對  
山○親○為○蒲○州○楊○僉○憲○述○者○知○焚○毀○經○字○罪○滋○大○也○對  
山○名○海○覺世真經說證

一見婦女剪字紙做鞵樣及為花墊盤盛盒男子不禁

止者十罪受枷鎖刑

案二則

雷極馬回子妾字紙襯襪履之報

康熙元年五月金陵牛市馬回子家雷忽自地中起  
歟若火輪環繞庭戶家方宴客座中數十人皆懼伏  
股慄旋飛火入室震馬妾於樓上身首俱裂碎其襪  
履內字紙片斷糜折蓋此婦平日常以字紙襯鞵底  
故天怒示誅以儆世之聾瞶者丹桂籍

雷神飛擊黃沈氏字紙糊鞵之報

康熙丙子古蕩黃姓妻沈氏方在厨下忽大雨滿屋  
火光家人咸見一神飛入提沈氏出戶外霹靂一聲  
謂已擊死急視之沈氏跌足仆地呻吟未絕其鞵條  
條劈碎見底布俱是字紙糊襯乃知雷擊為此吁果  
報之可畏若是哉章鉉惜字良法

一以字紙糊窗壁禱屏禱書殼者十罪受冤枉不明  
案一則

何吉以字紙抹桌糊窗同僕震死厠前之報  
何吉素不惜字好以字紙抹桌糊窗有人勸止者反

笑為迂一日抹桌後即投紙於地家僮誤掃厠中忽  
雷火入室掉吉與僮震死厠前吉背上有不敬聖賢  
穢褻字紙硃書八字此崇禎十一年六月事也丹桂籍

一以字紙嚼爛吐壁上及扯碎作書撚者十罪爛唇手  
生惡瘡

案二則

某生嚼棄字紙爛舌而死之報

江北某生年甫十五已游泮性聰慧見者皆以遠到  
桂杏聯芳譜卷二

期之。但每作文字。謄清後。即將草稿嚼爛。吐棄。任人踐踏。且羣居談笑時。往往喜用聖賢成語。巧供戲謔。至二十五歲。忽足心生疔。痛楚難禁。一日嚼爛其舌。細碎吐出而死。陰騭文箋註

彭華氏扯碎戒殺圖說魚躍啞死之報

膠西彭景妻華氏。劣而惡。有程嗣昌者。家藏戒殺圖說一卷。重刻印行。景請歸看。誦華大怒。以為忤已也。扯碎投穢處。移時買魚。持刀作鱸魚。忽躍觸華兩目。血流不止。化蟲。遂啞而死。敦善錄

一淹昧敬字功德者十罪不得吉祥

案三則

某生不信人言惜字。誤寫自累之報

山左諸生某。喜以字紙拭桌。訖輒委於地。嘗曰。人言敬惜字紙。余偏不以為然。入闈二次。俱以誤寫題字。違功令。貼出後。以誤寫銀券。被訟。潦倒而死。陰騭文箋註

勾龍義毀人寫金剛經暗啞之報

唐義閭州民勾龍義。賦性頑梗。見人寫金剛經。無故

毀棄經字而止絕之口即啞數年後忽聞鄰人念經惕然知悔每聞經聲即靜聽之久而頗能記憶偶入寺僧有問之者但指其口僧云爾啞可治以刀刺舌下即能語僧忽不見見壁畫須菩提像遂寫經繪像終身禮誦焉金剛經感應圖說

一言阻刻善書夢關帝叱責之報

鄒公一桂省試時有友刻善書欲其捐助鄒曰非我吝財人不敬惜反增罪過夜夢關帝叱之曰爾讀書明理亦為此言若人皆效尤善路不幾絕乎鄒叩頭

謝罪即送干本以贖罪且自畫繡像一部朝夕虔誦後入翰林每謂人曰一言足以獲罪者莫甚於阻人之善也元宰必讀書注

一女眷以字紙書夾鞵樣男子不禁止者十罪生忤逆子女

案二則

邵施氏以玉歷夾鞵樣針線禍及其身之報

四川酉陽州袁謹安之子名德初喪父時年甫七齡母邵氏憐子瘦聞雞湯滋補每食必殺雞收買整蔥

搜尋蟲蛭。嗛壯而後殺。德初年十五。邵氏病患皮蛀。遍身如蟲鑽雞啄。痛苦不起。仍命婢僕殺雞如舊。德初止之。將舊存雞毛骨呈母視。母病醫治七載莫效。臨終作雞聲蟲蛭聲。手碎膚體。德初慘見母死。泣思為兒多傷物命。誓立戒殺願。年餘有出嫁錢姓之堂。娣凝姑因產血崩而亡。冥王閱簿曰。此婦過犯頗多。應死產關。命押第二殿發獄受罪。又一官呈簿。王閱所載者。錢袁氏勸止翁姑。勿焚枯樹中蟲蟻。三次。又勸夫刊印妙華子戒殺文五千張。捐助印送魚籃觀。

音放生經三千張。竈神上奏。已准增壽三十年矣。王起稱善。即命青衣幡引。送還陽。行至金釘朱戶外。聞喚。凝姑救我。見一蓬首跣足裂皮流血婦人。審是堂。嬸邵氏。哭云。我受報甚苦。爾回陽世。務囑我兒。早作實在好事。贖我之罪。夢中相見為驗。言訖。有赤髮猙獰者。持叉刺喉而去。凝姑驚寤。遂白前事於德。初德初即作佛事。諷經禮懺。朔望寺院焚香。荏苒十九年。了無一夢。娶妻施氏。仍戒殺生。一日觀勸善書籍中。得玉歷鈔傳警世鈔。本敬信焚沐。鈔寫一百二十餘。

桂杏聯芳譜

卷二

天

本分傳至一百零八部。於乾隆庚午元夕。夢母撫其背曰。兒果孝也。我今出罪。全仗所傳玉歷。遇有善男信女知警者。四十九人。閻君不但全免我罪。准許託夢與兒爲驗。魂歸葬屍之處。限十八日子時投生。兒亦增壽矣。德初哭問父今何在。母答早投人身爲窮儒。自少註集因果善書。現顯貴安康。問何州縣。不答。一推跌醒。向妻述夢。妻曰。爾因終日鈔寫玉歷。故有此夢耳。德初坐待旦。備香帛掃墓。祝曰。昨夜兒夢生疑。望再示夢。使兒放心歸家之夕。又夢母怒指媳施

氏曰。嫌夫鈔寫玉歷。扯損五本善事。幾被爾悞。爾今禍報不遠。又敢唆夫疑惑。德初驚醒。詢妻扯損事。有否。對曰。爾何苦著魔。我看有三件不必信。一者我家戒殺。竟似空門。二者爾又日日費錢。請僧延道。經懺超度。汝母仍墮鬼趣中。偏爾鈔幾本書。功德如此之大。可不必信。三者若說我曾扯損五本。此書爾藏書廚。我並未見。更可不必信。此非真有爾母託夢。分明爾心切故耳。德初疑信參半。至十七夜。邵氏託夢。媳母家及凝姑處。細訴兒不確信。又託夢兒媳曰。舊歲

七月初六鄰女周鳳姑來與施氏同挑繡將玉歷一本夾放鞵樣針線次晚乞巧嫌夫不容鳳姑進門抱怨扯破玉歷五本初八早晨妻弟施馥見之夾入整束包內掩却乃向懇傳勸卽以此束捧去黏補填寫分傳幽冥已記錄施馥大功幸兒防範藏鎖不致又被扯燬今翻妄言不信其罪愈重本宅土地已准邪鬼進門作祟禍報目前矣言畢掀倒粧臺而去夫婦驚覺德初下牀挑燈復詢其妻答云信者有而不信者無瞥見一大黑團滾進牀內懼甚向夫云將來爾

用心多鈔寫幾百本寧可信其有夫方知妻損玉歷幸毋投生確信無疑但有妻禍報身現坐孕歡與愁并是夜施氏發熱背痛難忍急請產科云非內症旋接外科云患處凹陷面白唇青此陰毒險症難治奈兼懷孕不便服攻託藥味德初正惶恐間施馥與疑姑先後至各述昨夢相同施馥并云扯損玉歷五本之事實有各勸求神德初入廚下誓代妻鈔傳百部叩訴竈神施氏亦於昏迷中猛省跪地口稱今後永信願將針指積資請人鈔傳玉歷贖罪遂見元服星

冠者驅牀內黑團去矣。午後體已退熱。背亦漸消。次日分婉。母子無恙。於是請善寫者鈔傳。滿願德初感戴神恩。不敢隱諱。自述如此。玉歷鈔傳警世現報

雷震嘉定徐氏婦以字紙苴其子履之報

康熙四年六月十四日。嘉定西門外有徐氏婦。往盥隴畔。忽為暴雷震死。其子甫垂髻。亦為雷火所焚。而未至死。擊其履粉碎。人爭拾視。則以字紙苴其子之履也。勸誠類鈔

附錄

嘉定西門外徐氏子。年十八。康熙四年六月十四日。白日震死。里人無不驚訝。謂其素行淳厚。而慘罹天罰。豈其誤耶。忽見雷火颺發。劈其鞵底。現出金剛經幾行。祥雲集。按時地同。姓同。鞵底字同。而雷擊母子不同。或傳聞異辭耶。一婦女繡字於荷包。香袋扇插枕頭上。不行諭禁。反繫帶於腰間。并將枕頭枕臥。以致褻污者五。罪得暈眩拘學之疾。

案一則

祕戲所金牋署聯伏法籍產之報



中丞某家本世族。工詩善書。性豪侈。每宵深人靜。風細漏沉。院中笙歌斷續。縹緲之聲。如在天際。其祕戲所迴樓七楹。雕甍繡柱。綺戶珠簾。複道空行。連廡雲蔓。雕檀為牀。廣丈餘。嵌以雜寶。蝶帳流蘇。烟凝霧結。中以金牋書字。云色卽是空空。是色卿須憐我。我憐卿。蓋自署集聯。意以為達觀也。後坐事伏法。家資籍沒。樓臺歌舞。散落如烟。識者以聯字預識云。張昌運秋坪新語

一輕筆亂寫。拋撒不顧。及旋寫旋塗抹者。五罪減聰明。

案一則

竈神諭命。都不誠生。徒拋撒字紙之報。

明嘉靖時。江右俞公諱都。字良臣。十八歲為諸生。試必高等。及壯。家貧授徒。與同庠十餘人。結文昌社。惜字戒口。過諸善事。應試七科。不中生。五子病歿者四。存第三子。甚聰秀。夫婦愛之。八歲戲於里。失去四女。存其一。妻目盲。公益貧。自謂無大過。天罰之慘。每歲臘終。疏禱竈神。至四十七歲除夕。與瞽妻一女夜坐。淒涼相弔。忽聞叩門聲。開視。見角巾皂服者。鬚半蒼。

秉燭延入問其姓曰姓張自遠路歸聞子舉家愁歎  
特來相慰公心異之執禮甚恭因言平生讀書積行  
至今功名不遂妻子不全衣食不繼且以歷焚竈疏  
誦之張曰予知子家事久矣子意惡太重專務虛名  
滿紙怨尤瀆陳上帝恐受罰不止此也公驚曰聞冥  
冥之中纖善必錄予誓行善事恪奉規條已久豈盡  
屬虛名乎張曰卽如子規條中惜字一歛子之生徒  
及知交輩多有用書文舊紙糊房裏物甚且以之拭  
桌却藉口曰旋污而旋焚也子曰日親見畧不戒諭

一語但遇途間字紙拾歸付火有何益哉若口過一  
節子語言敏妙聽者傾倒子出口時心亦自知傷厚  
但於朋談圓熟中隨風訕笑不能禁止舌鋒所及怒  
觸鬼神陰惡之註不知凡幾子誓行者尚如此何況  
其餘子所焚之疏悉陳於天上帝命日遊使者察子  
善惡數年無一實善可紀逃禍不暇何由祈福速速  
勉持可回天意言畢至竈下忽不見乃悟司命之神  
卽焚香叩謝誓改前非力行善事自別其號曰淨意  
道人誌除諸妄也如是三年年五十值萬歷甲戌會

試首相張江陵爲子擇師人交薦公聘赴京師公挈  
眷行張敬公德品援例入國學丙子中式次年登進  
士一日謁內監楊公楊重公才學令五子出拜皆其  
覓諸四方以娛老者內一子年十六公若熟其貌問  
其籍曰江西小時誤入糧船至此猶依稀記得姓名  
間里公抱持大呼曰此我所失子也楊驚愕卽送還  
寓夫人撫子大慟血淚併流子亦啼捧母面而舐其  
目夫人雙目復明公悲喜交集遂不願爲官告病回  
籍張厚贈之公居鄉爲善益力其子娶婦連生七子

皆有悉嗣書香公手書遇竈神並改過事以訓子孫  
身享康壽八十八歲人皆以爲實行善事回天之報  
云同里羅禎記立命全書

生前拋棄字紙罰爲瞽鬼之報

平陽王平子赴試北闈賃居報國寺有少年游寺白  
服裙帽望之愧然展問那族云登州宋姓邀入寓欸  
言移晷出所作質之曰君亦沉深於此道者然命筆  
時無求必得之念而尚有冀倖得之心卽此已落下  
乘王師事之旣而塲後以文示宋宋頗相許偶與涉

歷殿閣。見一瞽僧坐廊下。設藥賣醫。宋訝曰。此奇人也。最能知文。因令歸寓取文。呼師而參之。具白請教之意。僧笑曰。無目何以論文。王請以耳代目。曰。君初法大家。雖未逼真。亦近似矣。榜放。王下第。宋與王走告僧。僧嘆曰。我所論者文耳。不謀與君論命。宋慰王曰。凡吾輩讀書人。不當尤人。但當克己。不尤人則德益宏。能克己則學益進。當前踈落。固是數之不偶。平心而論文。亦未便登岸。其由此砥礪。王肅然起敬。聞次年再行鄉試。遂不歸。敦習益苦。宋曰。此戰不捷。始

真是命矣。俄以犯規黜。宋大哭不能自止。王反慰解之曰。萬事固有數在。如先生乃無志進取。非命也。宋拭淚曰。久欲有言。恐相驚怪。某乃漂泊游魂也。少負才名。不得志於場屋。佯狂至都。冀得知我者。傳諸著作。甲申竟罹於難。幸相知愛。故欲借良朋一快之耳。王感泣。問何淹滯。曰。上帝有命。核查劫鬼。上者備諸曹任用。餘者卽俾轉輪。賤名已錄。考授梓潼府中司文郎。缺今請別矣。冥中重德行。更甚於文學。君必修行。未至。但積善勿懈。可矣。冥司賞罰。無少爽。卽前日

瞽僧亦鬼也。是前朝名家生前拋棄字紙過多。罰作瞽。彼自欲醫人疾苦。以贖前愆耳。又問梓潼祠中。一相酌祝。可能達否。曰無益也。九天甚遠。但潔身力行。自有地司牒報。某必與知之。言已作別而沒。王彌自刻厲。旋舉於鄉。明年春闈。又捷。蒲松齡聊齋志異節錄

一怒拋書卷。擲字紙於地下者。五罪減聰明。

案四則

胡昂怒擲天篆人馬震仆之報

胡昂屢舉不第。灑酒罵天。太平興國初。落魄遊河朔。中途忽有幅紙自空而下。視之皆天篆。乃上帝譴昂之詞。昂素精篆籀。讀畢怒曰。何浪語也。擲之。躍馬而去。俄頃片雲忽起。霹靂一聲。人馬俱仆。已而風清日麗。了無纖翳。覺世寶訓圖說

王秀才父污穢經字其子削籍之報

明萬歷甲戌進士山陰王泮。伯父抱兒戲於門。見臂銀鐲忽失。時泮父在旁。疑為所竊。泮父不平。取金剛經投之。廁坑引神為咒。泮屢試高等。不獲一第一日。桂杏聯芳譜卷二

曉出郭門見兩白髮叟相語曰大善寺前王秀才應  
登上第爲其父污穢金剛經字今削籍矣泮聞亟歸  
問父父語前事泮懊悔懺罪佛前手書金剛經一部  
遂中鄉舉復虔書數部甲戌春及第世之自逞臆見  
不尊聖典字跡者詎知陰有削奪哉金剛經感應事  
蹟

某生怒燬艾千子遺集狂疾而死之報

子鄉某生以名士自負最不服艾千子至焚燬其遺  
集唾罵不已他日置案頭見之亦必擲地投之火每

言時無英雄使豎子成名脫千子遇我當奴僕命之  
猶懼其無能爲役一日有儒士來訪談論古今文獻  
辨若懸河生舌戰屢屈最後及艾千子生作色曰此  
僕平生所最惡奈何齒及之儒士曰古今人才如海  
支派不同安能盡投吾所好但隨其性之所近才之  
所逮以爲宗尚耳安見湖江者必廢河渡淮者必輕  
漢哉千子卽不足學置之可耳滅裂垢詈母乃不廣  
生復攻擊不已時案上有春秋一部儒士因指而問  
之曰子之學膽矣春秋見于經傳者一百二十四國

能枚舉以相示否。生茫然轉叩儒士。儒士數如指掌。生亟稱其博。儒士曰。此特艾公餘事。君已不能由此觀之。古人亦未可輕也。拂衣而出。歛然不見。生慚且驚。遂得狂疾死。鄧葵鄉異談可信錄

莊奇顯取經擲地神責之報

泉州莊奇顯。癸丑榜眼。年少嗜酒。一日飲於寺。醉後見法師講大佛頂。未起迎。大怒。取案上經擲地。以足踏之。又仆韋馱像於地。後數月。以足踢僕。誤中石上。足指破裂。遂成疔。漸腫至身。呼號累月。見韋馱詰責。

而死。覺世真經說證

一以字扇書啟插靴襪者五罪。足生毒瘡。

案二則

閩民褻字惡疾之報

閩中民某。買白布作褲。適布上紅字號。縫入腰下。又夜起如廁。誤用字紙拭穢。夜覺尾閭穴癢痛。遂潰爛而死。陰騭文箋註

市民傘扇刻字點心印字業此多凶之報

吳衡照讀功過格。慨然念傘扇各舖。俱不免褻字之

罪尤可痛者莫甚於點心店之糕上印字一入咽喉化爲何物以予所見市民業此者絕少發積殆由此歟因刊數條勸世是年中式元宰必讀書注

一以字號寫器物上致人坐踐者四罪家不祥案二則

真官冊註踐踏字紙大罪之報

番禺庠生莫維周康熙五年六月六日擲管作文力闢神教虛誕次日漸覺昏迷夜夢宮闕陰森聞拷訊悲號遂入門見一官持冊莫求觀展見已名下註云

丁酉中十三名以犯六大罪削去一謗佛二違父命三食牛肉四不葬父母五踐踏字紙六殺蟻命七萬八千有奇下有小字數行莫欲再看其官索還因指日西廊有示可往觀也莫見壁上遍粘紙條風搖颺不能細讀見一條云月下行淫者斬遂出門遇一僧莫告曰我命當中以犯罪削去未知得釋否僧曰汝往鼎湖山慶雲寺力行苦脩或尚可爲遂引莫歸時已五鼓矣至七月十五登鼎湖山以前事白和尚命以行堂之事僅十一日忽轉念夢境無憑潛出寺



不惜字異律

勸誠類鈔

某氏子作踐字紙削名籍之報

平山縣令湯聘辛丑進士自言為諸生時暴卒見大  
士論曰往昔功名祿壽生來便定近者人間善惡冊  
籍一日一報一月一造來世報兒孫報與後日報之  
說俱不及待今日所作善惡轉瞬便報如某氏子名  
已註冊因其家坐踐字紙忽然隕命某應登科因近  
行失檢倘淨心易慮方可上進某力修善事因功行  
未完未即降福如精進不已後必登第湯心記其人

後悉驗詳再生錄 晨鍾錄

一以不淨手檢閱經書者三罪生又指瘡  
案二則

如廁攜書腸出而死之報

長洲監生某家殷實多姬妾性喜廣收豔書每如廁  
必攜以自隨後病腸出而死 勸誠類鈔

冥曹冊簽出恭看書勾去狀元之報

秋室余侍讀集弱冠文名甲浙右人盡以大魁期之  
丙戌成進士歸班家居忽廣東吳某投刺訪之延入

客曰君其出恭看書耶○余怪之○客曰予亦犯此罪過○因述去歲曾病至陰司○自念母早寡○予以遺腹撫而成立○今先母卒○母將無依○痛哭求閻王放還待母天年○王取生死簿閱之○顧判官曰○彼陽壽尚未終○何以勾至○判官曰○此人出恭看書○奪壽算矣○王命取簿則寸許一厚冊○簽書出恭看書四大字○王展閱至予名○予方跪迎案前○叩頭哀泣○因得注目視冊○果罰壽二紀○上名卽君也○君名下註浙江錢塘人○壬午舉人○丙戌狀元○以下祿位註甚長○乃於狀元字上用筆勾去○

改○進○士○而○止○閻○王○謂○判○官○曰○彼○死○惟○以○母○爲○念○性○孝○且○陽○間○不○知○此○罪○最○重○犯○者○甚○多○無○以○勸○諭○盍○放○之○還○俾○流○布○人○世○有○則○改○之○可○以○自○贖○罪○冊○中○人○不○至○太○多○貸○壽○一○紀○然○此○十○二○年○中○須○示○罰○母○令○其○自○適○也○判○官○以○筆○點○頸○痛○甚○大○叫○而○蘇○則○已○死○一○晝○夜○矣○今○予○得○重○生○頸○間○一○疽○醫○亦○罔○效○卽○判○官○所○點○之○處○也○因○出○疽○證○之○冊○中○人○予○與○君○聯○名○故○得○記○憶○余○聞○之○愕○然○痛○悔○自○責○方○余○改○過○之○日○正○四○庫○修○書○詔○下○徵○召○之○日○也○今○官○侍○讀○戴○堯○垣○春○水○居○筆○記○

附跋

謙之輯桂官梯也。始於戊寅之秋。銓司公暇。偶閱法時帆學士槐廳載筆。所引余秋室先生冥罰藝字。矍然而起。竊念世人藝字。不止出恭看書一事。而冥府大書特書。其冊竟至寸許厚。外此不肯問心之隱。登冥冊者。又不知凡幾也。吁。可畏哉。夫惜字一端。世俗習焉不察。而吾輩讀書之士。亦復漠不關心。擬發凡起例。自策勸人。忽憶文帝惜字功罪律。及惜字真詮。向無專註。於是肅然有箋案之

願。荏苒蹉跎。耿耿在抱。歲辛巳。監督倉曹公務旁午。每際夜直。更闌剪燈。輒尋篋衍所攜書。撫綴公案。分箋聖訓。後日久成帙。因歎冥府寸許冊內。或勾已定之名。或奪未來之算。世皆以爲命數適然而恬然。藝字如故。嗚呼。豈知片紙隻字。能削人之名。而因能奪人之算而死。冥冥中固有明明赫赫。泚筆在旁。而定森羅鐵案者哉。但惜少回生者。一傳語世人耳。復歎秋室先生聞言痛悔之初。卽修書。徵召之日。太上所謂轉禍爲福。不信然。

耶謹附錄帥中丞代 奏原摺如左。俾知先生年邁入秩再遇鹿鳴益恍然於善補過者之錫福延齡默回造化也。

附錄

浙撫帥承瀛 奏為據呈代 奏恭謝 天恩

繕摺 奏聞仰祈 聖鑒事切臣於道光二年

六月初一日欽奉 上諭帥承瀛奏耆紳重遇

鹿鳴一摺浙江原任翰林院侍讀余集年逾八旬再逢鄉舉本年尚在停止筵宴期內除與新科舉

人一體給與袍帽靴帶外着加恩賞給翰林院侍讀學士銜以示朕嘉惠耆儒至意欽此遵即轉行藩司傳知余集俟鄉試揭曉後與新科中式舉人一體謝 恩行禮去後茲據余集呈稱竊集浙右輪材詞垣散秩識如捫燭曾充編校之司恩等戴槃屢忝鑑衡之任自乞病歸田而後愧涓埃無補昌辰計舉鄉通籍以來適科目例逢周甲幸得優游盛世重攀桂苑之香敢期衰朽餘生更沐楓宸之澤迺今錫之章服晉以冰銜獲此逾格之鴻

不惜字罪律

施實為非常之榮。遇傳美談於梓里。歷三朝而恩寵頻沾。際晚景於榆年。望九陛而拜稽。莫遂為此呈請代奏恭謝。天恩等情。前來臣不敢壅於上聞。理合據呈繕摺具奏云云。邸抄

張邑翼編次不敬字過格。曰書藏箱笥。跨跳坐踢者。一次五過。又以書如廁及置枕席間者。一次為十過。致以淫穢之氣觸突者。為百過。又塾師課讀怒其徒頑劣。漫將書卷擲地者。一次為三過。生徒背書錯誤。輒從句旁用筆塗抹者。一句為一過。凡

此皆功過格所未及者。採錄之以示儆云。功過格

一以字磚墊路者。三罪。行事不順遂。

案一則

灰字寫門上干天怒之報

昔有丁生請仙。呂祖降乩。極言吳下除夕。以石灰印門。寫字踐踏。大于天怒。則知以字磚墊路。慢褻之罪尤大矣。二惜編

一於地上畫字者。三罪。多遇險阻。

案一則

雷殛辱水版濫畫符篆之報

蘇郡相城有火居道士曾某兼事農業其辱水之版恐人盜去各書符篆一道置於地上被雷擊死此康熙年間事也陰騭文新編

一剗裁字跡者一罪多憂驚

案一則

雷擊破書搗作白紙鞵底之報

揚州西門外某每買破書字紙用水搗爛洗去墨跡造作白紙鞵底貨賣獲利從未有知者一日雷雨

交作忽擊死路旁其背負紙底一一盡行劈碎後有人至其家見字紙狼籍方知作孽之報陰騭文箋註

一以字紙褙神像拾塑牆壁內者一罪雖有功不錄

案一則

佛責高之綬以經糊壁之報

吳郡高之綬不信佛法見人念經必極口詆毀糊臥房壁以法華經作襯人送玉佛一尊綬笑曰是可為環也用鋸截開作大小環數十枚餘屑投糞土中後因訕謗朝政詔發刑部勘問恍見前所鋸佛告曰汝

昔截我今當自受矣次日腰斬於市敦善錄

文昌帝君惜字律云國家頒行惜字律風調雨順干戈  
息儒者遍傳惜字律文章燦爛花生筆富貴人傳惜字  
律子孫永遠享天祿公門人傳惜字律逢官近貴皆清  
吉貧賤人傳惜字律衣食自然一生足孤寡人傳惜字  
律人人相親如眷屬病人遍傳惜字律永獲安康疾自  
除一切發心刊印者美報重重慶有餘鎮航珠

桂杏聯芳譜第二卷終

